

VASTELAOVEND  
HAET  
HOAGE NOAD

**SOS**

Carnevalsmés CV de Taarbreuk

14 febrewarie 2021, 11.00 oer

Sjommert

De tekste van dees m s waere opgedrage aan  
J. van Oss s.m.m.,  
pastor bonus van Genhout en Sj mmert.  
Es dank veur al zien enthousiasme en inzet  
veur de vastelaovend en de carnevalsm s.

# Intrede

Intrede: Gelukkeg wér same (Loss!)

Kruusteike en Äöpeningsweurdsje

Sjöldbekintenis:

's Leeven Hièjr  
veer zeen en huëre,  
langs vâöl kante,  
de probleme en 't leid  
van de waereld.  
't Kump zoa hièjl kortbie,  
mé door 't glaas van de beeldbuus  
is 't auch veilig wiét-af.  
Wie zou 't zeen  
es veer de ièjlend, hónger en twiefel  
van deez luuj zouwe  
veule, ruike of preuve?  
Zou de noad van die luuj  
òs dan neet bie de kael griepé,  
òs doadsbenauwd make  
en tot besef bringe  
dat veer te tekortsjéte.  
Laot òs daarom baeje.

Allemaal:      Veur eedere kièjr  
                    dat veer op afsjtand bleve  
                    terwiel veer broadnuëdig  
                    naobie moste zeen,  
                    vraoge veer aan de gooije God  
                    om vergaeving.  
                    En veer sjpraeke de wunsj oet  
                    dat Hae òs lièjrt te deile:  
                    òs leefde en naosteleefté,  
                    òs hóbbe en haute,  
                    òs wiesheid en weitensjap.  
                    Amen.

lèjre aan God: Allemoal vur os (Rowwen Heze)

Äöpeningsgebed

## Deens van 't woord

lèsjite Lèzing: De Noad-oetgangk

Tösjezank: Vastelaovend in D'n Hemel (Frits Rademacher)

Evangelie: Lc., 10, 25-37

Praek

Geloufsbeleidenis

Allemaol: Ich geluif in eine God,  
dae òs ganse laeve peilt:  
dae òs zörg, noad en leid,  
òs vreugde, plezeer en sjpas  
veult, huërt en zuut.  
Dae bie òs is  
en mit òs geit  
in de gooije,  
mér veural de meujlike mementa  
van 't laeve.

Ich geluif in Jezus Christus,  
dae ein boadsjap  
van vriehied, houp en truëst  
haet vertélt  
wo wanhoup, krenkde en verdreet  
't laeve van luuj bepaalt.  
Ein boadsjap  
die deeze waereld wilt make  
tot ein kleurriek paradies.

Ich geluif in eine Geis,  
bron van krach en energie,  
van inventiviteit en creativiteit  
mit es doel ein good laeve  
veur alles en eederein.

Ich geluif in ein laeve  
dat zich ummer weer vernuujd en oprich  
es de naod 't hoagst is  
en zellefs door de doad haer  
neet van ophaute waet.  
Amen.

### Veurbede

Laot òs baeje....

Allemaal: Hièjr, ózze Hièjr, verhüär òs gebed.

### Sjlotgebed

## Deens van de Eucharistie

Offerande-leed: Laeve plezeer (Sjeng & de Gang)

### Offerandegebed

### Prefasie

Pesjtoar: De Hièjr zij mit uch.

Allemaal: En mit Ziene Geis.

Pesjtoar: Äöpene veer òs hart veur de Hièjr, Ôze God.

Allemaal: Veer zint mit òs hart bie Häöm.

Pesjtoar: Laote veer God ôze Hièjr danke.

Allemaal: Hae is ôze dank waard.

Veer danke Uch, Sjöpper van 't hièlal.

In 't duuster van de chaos höb Geer gesjpraoke: "d'r mòt leech zin". En der waar leech, hemels leech. Goddelik leech dat wermte straolt, dat klaor sjient en alles verlich. Leech dat lièjt greuije en tot laeve reup water, aerd, loch en vuur. Leech dat tot laeve wek bloome, plante, deere en luuj.

Eur paradies mit al wat geit en sjiteit, geit Uch zoa aan 't hart, dat Geer ummer weer eine waeg zeuk om te kinne deile in òs laeve en in 't wel en wee van deeze waereld.

Veer weite wat Geer gedaon höb veur Abraham, Noach, Mozes, Elia en Jezus; en daarom kinne veer laeve vanoet 't vertroewe dat Geer veur ièjwig en altied mit òs verbónge blief en mit òs mittrèk op al òs laeveswaeg.

Mit alle luuj die mit Uch verbónge zeen, wille veer Uch vol bliedsjap en vreugde danke en zégge veer:

### Hèillig, Hèillig:

Allemaol: Hèillig, Hèillig, Hèillig,  
de Hièjr de God der hemelse machte,  
Vol zin hemel en aerd van Eur heerlijkheid,  
Hosanna in de hoage.  
Gezegend Hae dae kump in de naam van de Hièjr,  
Hosanna in de hoage.

### Taofelgebed

Pesjtoar:

Veer danke Uch veur Eure zoon, dae Geer geroope höb om Eur boadsjap en Eur goojigheid aan te kondige in deeze waereld. Hae haet Eur leech van leefde opnuuj laote sjiene in 't laeve: door aan erm luuj houp en oet zich te beeje, door aan kranke luuj weer heil en zaegte te sjinke, door gevange en opgesjlaote luuj te bevrieje en te verlosse. Door veur ederein aandacht te höbbe, haet hae laote zeen wie veer weer ech minsj kinne waere.

In zien ganse laeve hauw Jezus ummer Eur zörg mit deeze waereld veur auge. Eur wunsj veur alle luuj, Eur Keuninkriek der Hemele, 't Riek van God waar zien laeveswerrik.

Allemaol:      Veer danke Uch,  
                  veur deeze onvergaetelike minsj  
                  dae trouw aan Uch  
                  alles volbrach wat minsjelijk is,  
                  in 't laeve, in de doad, in de verreizenis.  
                  Veer danke Uch,  
                  dat Hae zich mit hart en zièjl  
                  gegaeve haet aan deeze waereld.

Pesjtoar:

Want op de avond dat Hae same mit zien vrung veur 't lèts bei-ein  
waor, haet hae hun en òs ein teike veur 't laeve gegaeve. Hae haet  
alledaags broad genomme, 't in zien heng gehaute en aan Uch, God,  
toegewied.

Mit ziene auge op Uch gerich haet hae Uch gedank, 't broad gebraoke  
en rónddedeild mit de weurt:

*“Neump en aet dan van dit broad,  
          want dit bin Ichzelf,  
          dae zich veur Uch wilt gaeve.”*

Zoa naom hae auch eine baeker mit wien, sjprook ziene dank aan Uch  
oet en zag:

*“Neump deeze baeker en drink d'r alle oet,  
          want deeze baeker is  
          de baeker van 't ièjwige Verbónd,  
          dit is mien blood  
          dat veur Uch en alle luuj vergaote weurt  
          tot vergaeving van de zung.  
          Blief dit doon om Mich te gedinke.”*

Verkondige veer same 't misterie van òs gelouf.

Allemaol:      Es veer dan aete van dit broad  
                  en drinke oet deeze baeker  
                  verkondige veer de doad van de Hièjr  
                  en vertroewe neer dat Hae verreze is.

Pesjtoar:

's Leeven Hièjr,

zeet wie veer hie same-zeen rónnd deez taofel, 't is Eur taofel wo veer same maoge aanzitte en wodoor veer kinne deile in Eur vree en heil.

Door 't broad mit-ein te deile en door de baeker rónnd te gaewe gedinke veer 't lieje, sjterve en opsjaon oet de doad van Eure zoon. Geer höb ziene inzat en zien werrik neet verlaore laote gaon, omdat Geer zaog dat hae veur Eur keuninkriek van vree en leefde ten volle gelaef haet.

Allemaol:

Veer vraoge Uch,

same mit al degene

die òs zeen veurgegange op de waeg nao Uch,

laot auch òs laeve neet verlaore gaon,

zoadat veer maoge opsjaon op de derde daag.

Sjterk òs daotoe in òs laeve

en sjterk ederein dae om òs haer is.

Pesjtoar:

Same mit alle luuj, die in gelouf mit-ein verbónge zeen,

zègge veer Uch dank.

Ôze Vader:

Laote veer noe baeje tot God ôze Vader, mit de weurt die Jezus òs gelièjrd haet:

Allemaol:

Ôze Vader in de Hemel,

Eure naam is òs hèillig,

laot 't Riek van Eur vree

op deeze waereld komme

en laot òs handele volges Eure wil.

Gaef ederein wat 'r nuèdig haet

en vergaef òs ôze faute,

zoa wie veer auch wille vergaewe aan angere

en bring òs neet in verzeuking

maer verlos òs van alle kaod,

Amen.



Verlos òs, Hièjr, van alle kaod.  
Gaef dat veer òs ummer blieve versjtaon  
en aan de vree op deeze waereld maoge mit-waerike.  
Dat veer gesjteund door Eur barmhartigheid,  
ummer vrie maoge zin van zung  
en beschemp taege alle onrös.

Allemaal:       Want van Uch is 't Keuninkriek  
                      en de krach en de zaligheid in ièjwigheid.  
                      Amen.

Ein hand,  
ein klein groot teike,  
es groet van bliedsjap en vreugde,  
es wunsj van zaege en heil,  
es handreiking van hulp en sjteun  
es houvas bie onrös en verdreet.

Allemaal:       Ein hand, ein klein groot teike  
                      zouwe veer aan-ein wille sjinke  
                      om 't wónjer van de vree  
                      ein kans te gaeve.  
                      Mé noe is dat neet meugelik.  
                      In 't vertroewe  
                      dat dit oats weer zal gebeure  
                      kiek veer òs óngerein aan,  
                      en sjinke veer eederein eine gulle glimlach.

De vree van de Hièjr zal altied mit uch zin.

Allemaal:       En mit eure Geis.

### Lam Gaods:

Allemaal:       Lam Goads dat wegneump de zung van de waereld,  
                      ontferm Uch euver òs.  
                      Lam Goads dat wegneump de zung van de waereld,  
                      ontferm Uch euver òs.  
                      Lam Goads dat wegneump de zung van de waereld,  
                      gaef òs Eur vree.

Pesjtoar:

Zoa wie veul aore van 't kaore, ins versjpreid euver 't veld, noe bie-ein zin gebrach in dit broad, zoa wille veer, die noe eate van dit broad, 't volk zin van dae eine God.

Neump dus en eat van dit broad en de vree van Christus is mit uch allemaol.

Allemaol: Amen.

Zeet, dit is 't Lam Goads,  
dat de zung van de waereld weg nump.

Allemaol: Hièjr, veer zin 't neet waerd,  
dat Geer in òs hart komp,  
maer sjpraek ein woord  
en veer zulle weer gezônd waere.

Kemune: Mainzer Narhalla Marsch



Sjlotgedachte: Es de noad hoag is....

Weurdje oet naam van CV de Taarbreuk

Sjotleed: De Taarbreuk (Mr. J. Spuisers/W. Ostermann)

Oos Sjömmert is ei dörpke, dat lik òs aan 't hart.  
De witte boerderiekes, zin onderom getard.  
Zèts doe dich op 't luifke, mit riestevla en kook  
dan mos te 's aoves oetgaon, mit taar aan de brook.

Refrein:

Taarbreuk van Sjömmert, zin veer groot en klein.  
Zinge en sjpringe, gezellig onderoin.  
Viere Vastelaovend, houwe op die trom.  
Taarbreuk van Sjömmert, tsjing\_boem\_taraboem.

Oos Frenske waor ei jungske,  
dae haw ei maedsej leef.  
Toen zag er tège Treeske: "Hie bin ich estebleef".  
Ze ginge same wandele, en in eine sjtille hook.  
Sjtong Frenske häör te puène,  
mit taar aan de brook.

Noe zin die tortelduufkes, al jaore lank getrouwd.  
Mè dat haet Frens en Treeske,  
gein augenblik berouwd.  
Dao kaome auch vääöl kinger,  
eint lik nog in de dook.  
Mè zeve angere, loupe mit taar aan de brook.

### Zaegewunsj en Kruusteike

Nao de zaege: Kiek nao veure (Claire)

Veer wunsje uch  
eine sjoane vastelaovend!!

Veurgenger:  
Pesjtoar J. van Oss s.m.m.

Veurlaeze:  
CV de Taarbreuk

Teks:  
H. Lucassen